

MRIKË MATUSHJA, TEZJA E TIM ETI

Kanë qenë 5 motra, të gjitha të përmendura: Lenë Matushja (nëna e babait tim), Prena, Mrika, Age dhe Pashka (kjo e fundit s'qe martue kurrë. U vesh me çakçir e xhamadan e si burrneshat, vendosi të pleqërojë me prindërit e vet). Ishin të bijat e Matush Lekës, një familje e madhe, asokohe me tufa të mëdha, merâ, sinore e toka në Velipojë, Shkrel e Razëm.

Mrika kishte lindur më 1882 dhe qe martue në Mal të Rrencit (Prelivanaj), një derë me emër, me mbi 1000 dhe përveçse një grua e pashme me një inteligjencë impresionuese për zotësinë e saj Mrika do të bëhej e njohur jo vetëm në Mal të Rrencit, Mal-Kolaj e ngulimeve përreth, po në krejt Malësinë e Madhe, nënshkodër e më përtej, që me finesën e një gruaje me dhunti të lindura ajo do të ishte, si "ndera" e "Logut të grave" po edhe e "Kuvendit të burrave" duke fituar një popullaritet të denjë për një krijesë si ajo e cila do të kish tërhequr vëmendjen e të mirënjohurës Miss Durham dhe të poetit kombëtar, Gjergj Fishta.

Për emrin e mirë dhe famën e saj, banorët e krahut do t'i jepnin asaj meritat e një lavdie duke u kthye për të "mit", në respekt të femrës, nënës e gruas shqiptare.

drejtë si mamlija e pushkës, energji e kurajo si askush tjetër; rrugëtonte në kalë të shalës, dridhte dhe duhan, fliste pa droje e pyetej në meshlic dhe pikrisht se kjo Mrika paskësh dâ në shenjë, si për pashi si për miradi, portretin e saj malësorët do ta skalitnin në vargje e do ta përjetësonin në këngë:

Kush po i bjen, fundit t'kënetës,
Mrikë Matushja e Matush Lekës.

Ose këndohej bukuria e rrallë e dy prej motrave:

Dy të mirat, ku po rrijnë?
Te Matusha, hanë e pinë.
Si dy fëllënxa, dalin e hijnë.
Si dy flanaxa rreth kalasë,
Plasin zemrën, fukarasë!
Fukaraja s'ka çka ban,
Mrikë Matushja, kapidan!...

... Kush po e ka barin e gjumit?
Mrikë Matushja, n'kupë të gjunit.
Kush e ka barin e dekës?
Mrikë Matushja, n'fund t'xhubletës!...

Tregojnë bashkëkohës dhe të afërm:

Mrika asokohe akoma vajzë, por e fejuar që në djep. Ajo në bjeshkë, në rrugë e sipër hasin një djalë që edhe rrugëtonte përpjetë me tufën e vet dhe me intuitë kjo e thotë shoqeve të veta: